

# ANG KAMATAYAN AT ANG KABILANG BUHAY SA ISLAM

“Bawat kaluluwa  
ay mamamatay.”  
Quran 29:57

## Ang Kamatayan ay Malapit

Ang kamatayan ay isang katotohanan na walang makakaligtas. Ito ay papalapit sa bawat araw; oras; minuto. Ayon sa “CIA’s The World Factbook 2007”, halos dalawang tao ang namamatay kada isang segundo. Ito ay nakakagulat na 57.9 milyon katao kada taon! Bawat tao ay aabutan nito, anuman ang kanyang edad, kalusugan, katayuan sa buhay o kabutihan.

Nasaan na ang hari noong unang panahon, ang mga bilyonaryo at mga makapangyarihan? Nasaan na ang mga dating maganda, sikat, mga piling tao na matatalino?

## Ang Katotohanan ng Kamatayan

Ang kamatayan ay hindi isang sakuna, ito ay pagdaan dito sa mundo papunta sa kabilang buhay. Ito ay nagdudulot sa atin upang unawain ang dahilan ng ating buhay, at kamatayan.

Si Allah ay nagpahayag sa atin na nilikha Niya tayo upang Siya ay sambahin lamang ng bukod tangi at ginawa Niya itong buhay bilang pagsubok upang makita kung sino ang tutupad sa layunin na ito:

“At hindi Ko nilikha ang mga Jimm at tao  
liban na Ako ay kanilang sambahin.”

Quran 51:56

Ang Diyos ay nagpahayag din sa atin ng layunin ng kamatayan at buhay:

“Si Allah ang Siyang lumikha ng kamatayan at buhay upang subukan  
kayo kung sino sa inyo ang may pinaka-mainam na gawain.”

Quran 67:2

Hindi pinaghahandaan ang kamatayan sa pamamagitan ng pagbabayad sa serbisyo pag namatay siya o pagpili ng kabaong niya. Ito ay ang pagtupad sa layunin ng buhay, ang sambahin lamang si Allah, ang mabuhay ayon sa Kanyang mga pinag-uutos. Ang pagsamba sa Islam ay hindi lamang nakatuon sa pagdarasal. Sa katunayan, ang bawat gawain na kalugud-lugod kay Allah ay maituturing na gawaing pagsamba at ang tao ay gagantimpalaan ukol dito.

“Saan man kayo  
naroroon, ay aabutan  
kayo ng kamatayan kabit  
na kayo pa ay nasa kuta  
na ginawang matibay at  
mataas.”

Quran 4:78

## Ang Sandali ng Kamatayan

“Hayaan  
ang bawat tao ay  
isaalang-alang ang  
kanilang dadalhin sa  
kinabukasan.”

Quran 59:18

Nakikita natin ang kamatayan araw-araw. Ang mapayapang kamatayan ay hindi yaong walang naranasan na sakit o karahasan. Hindi ito ang tunay na pangyayari. Kapag ang tao ay namatay, nililisan ng kaluluwa ang katawan at kung kaya ang pisikal na kalagayan ng katawan ay hindi nagpapakita kung ano ang kalagayan ng kaluluwa. Ang kapayapaan o kawalan ng kapanatagan ng kaluluwa ay nagiging resulta lang kung paano tinupad ng isang tao ang layunin niya sa buhay.

Halimbawa, may dalawang tao na mayroong tiket papunta sa isang destinasyon na kailan man ay hindi pa nila napuntahan. Ang unang tao ay pinaghandaan ang araw ng kanyang biyahe, pinag-aralan ang wika, kultura at mga kagawian sa kanyang pupuntahan. Siya ay may sapat na pera at bakuna kaya ng dumating ang oras ng paglalakbay, siya ay hindi mabibigla, ligtas at kuntento, sapagkat siya ay naghanda.

Sa kabaligtaran, ang ikalawang tao ay hindi pinaghandaan ang oras ng kanyang pag-alis. Siya ay darating sa lugar na iyon na takot at nalilito. Ang hindi niya paghahanda ay naging dahilan upang humantong siya sa isang nakakatakot na kapalaran, dahil ang lahat ng mga bagay na kanyang dinala ay wala palang halaga.

Inilalarawan ang ganitong tao na mapagpabaya, ayon sa sinabi ni Allah sa Quran:

“Kapag dumating ang kamatayan sa isa sa kanila, sasabihin niya, ‘aking Panginoon, ibalik Ninyo ako! upang gawin ang mga kabutihan na aking pinabayaan.’”

Quran 23:99-100

Isaalang-alang din ang sagot ng mga taong napunta sa Impiyerno, nang tinanong sila kung bakit napunta sila doon:

“Kanilang sasabihin, ‘Hindi kami nagsisipagdasal, hindi nagpapakain ng mahirap. Kami ay kabilang sa mga taong gumagawa ng walang kabuluhang usapin, kami ay hindi naniniwala sa Araw ng Paghatol, hanggang dumating sa amin ang kamatayan na isang katiyakan.’”

Quran 74:43-47

Lahat tayo ay mamamatay, at maglalakbay sa isang hindi pamilyar na lugar. Tanungin ninyo ang inyong sarili, handa na ba kayo para dito?

# Ang Layunin ng Buhay

Ang buhay ay isang pagsubok na nagtatapos sa kamatayan, subalit hindi ang pag-iral nito. Kapag ang tao ay namatay ay hindi na siya makakagawa ng anumang. Ang kahihinatnan ng tao ay malalaman na lamang kung ano ang ating pinaniwalaan at nagawa sa kasalukuyang buhay. Ang buhay ay dalawang parte; ang maikling buhay sa mundo at ang buhay sa kabila. Ang taong nag-iisip ay magsasabi na mas nakakahigit ang kabilang buhay kaysa dito sa mundo.

Nilikha ni Allah ang tao at siya ay mananagot sa kaniyang ginawa, sapagkat siya ay binigyan ng kalayaang pumili, at talino upang malaman ang tama sa mali. Kung walang kabilang buhay para gantimpalaan ang mga matuwid at parusahan ang mga masama, ito ay hindi maging makatarungan.

Kaya kailangan na may Araw ng Paghuhukom upang ang bawat isa ay hahatulan ayon sa kanilang ginawa.

*“Ituturing ba Namin na magkatulad ang mga matuwid at makasalanan? Ano ang nangyayari sa inyo? Paano kayo humabotol?”*  
Quran 68:35-36

# Ang Araw ng Paghuhukom

Ang gawain ng bawat tao sa buhay na ito ay nakatala at pinangangalagaan, sinabi ni Allah:

*“At ang Aklat ay bubuksan at makikita ninyo ang mga makasalanan na nasa pagkagimbal dahil sa kung ano ang nakatala dito. Kanilang sasabihin, “Ab! Kasawian sa amin! Ano itong aklat na ito na walang pinalampas maging maliit man o malaki, subalit kasama sa pagtutuos! Kanilang matatagpuan ang labat ng kanilang ginawa na nakalatag sa harapan nila.” -Quran 18:49*

*“Ang kamatayan na inyong tinatakanan, ay katiyakang aabutan kayo. Pagkatapos kayo ay babalik sa Kanya, na Siyang Nakakaalam ng Lihim at Hayag at Kanyang ipapaalam sa inyo kung ano ang inyong mga ginawa.”*  
Quran 62:8

*“Inaakala ba ninyo na nilikha Namin kayo na parang laro (na walang layunin), at kayo ay hindi magbabalik sa Amin (Diyos)?”*  
Quran 23:115

Tayo ay magtataka nang labis sa talaang ito ng ating gawa, ipapaalala sa atin ang bagay na ating nakalimutan. Si Allah ay nagsabi,

*“Si Allah ay binibilang ang mga ito, habang nakalimutan naman nila.”*

Quran 58:6

Kung pag-iisipang mabuti, nararapat na tayo ay mahiya sa paggawa ng kasalanan habang nalalaman natin na ito ay ilalantad sa Araw ng Paghuhukom sa harap ni Allah.

Sa mga yaong may pag-aalinlangan patungkol sa kakayahan ni Allah na bumuhay at hatulan sila, Si Allah ay nagsabi:

*“Sino ang magbibigay buhay sa mga buto kung ito ay nabulok na at naging alabok? Sabihin (O Muhammad), ‘Si Allah na Siya ding lumikha sa kanila sa umpisa! At Siya ay Higit na Nakakaalam sa labat ng Kanyang nilikha!’”*

Quran 36:78-79

# Ang Paraiso at Impiyerno

Yaong mga naniniwala kay Allah bilang Diyos na karapat dapat lamang sambahin, at gumagawa ng kabutihan ay gagantimpalaan ng Paraiso.

Si Propeta Muhammad (sumakanya nawa ang kapayapaan) ay nag-ulat na si Allah ay nagsabi:

*“Ako ay nagbanda para sa aking mabuting alipin ng isang marilag na bagay na wala pang mata na nakakakita, wala pang tainga na nakarinig, o kaya maisip ng puso ng tao”*

Ito ay kabaligtaran sa mga tao na tumatangi sa kaisahan ni Allah, na nagsabi sa atin:

*“Ito ang pangakong Impiyerno sa inyo! Masumog kayo diyan sa araw na ito, dahil sa bagay na hindi ninyo pinaniniwalaan.”*

Quran 36:63-64

*“Katiyakan, ang mga maninirahan sa Paraiso, sa Araw na yaon, ay abala sa mga masasayang bagay. Sila at ang kanilang mga asawa ay nasa kaaya-ayang lilim, nakasandal sa mga trono.”*  
Quran 36:55-57

Sa mga hindi naniniwala ay ang kaparusahan:

*“Ang Impiyerno ay naghibintay sa mga mapagmalabis, isang lugar ng pagbabalik, sila ay mananatili ng napakatagal na panahon. Hindi sila makalalaspas dito ng lamig o inumin maliban sa nakalulusaw na tubig at duming lumalabas sa mga sugat – isang nararapat na kabayaran! Katiyakan, hindi nila inaakala ang pagtutuos, at tinanggihan ang Aming mga palatandaan ng may matinding pagtangga. Subalit ang labat ng bagay ay itinala Namin sa isang Aklat. ‘Kaya tikman ang parusa, at hindi Namin dadagdagan kayo liban na lamang ang inyong parusa.’”*

Quran 78:21-30

# Pangwakas

*“O sangkatauhan! Ano ang nagpaligaw sa inyo patungkol sa inyong Panginoon, Ang Higit na Mapagbigay? Siyang lumikha sa inyo, humugis sa inyo ng ganap, at nagbigay sa inyo ng tamang sukat. Siya ang naglagay sa inyo ng anumang bugis na Kanyang naisin. Hindi! Subalit itinanggi ninyo ang Kabayaran.”*

Quran 82:6-9

Ang kamatayan ay hindi maiiwasan. Ang ating layunin sa buhay ay sambahin si Allah, gumawa ng kabutihan. Ang ating kapalaran ay ayon sa kung ano ang ating kasalukuyang gawain, upang sa ganoon ay magamit natin ang ating pagkakataon sa mundong ito upang matiyak ang lugar natin sa Paraiso, o sisihin ang ating mga sarili sa walang hanggang kaparusahan sa Impiyerno.

*“Katiyakan, ang mga mabubuti ay mapupunta sa kasiyahan, at katiyakan, ang mga masasama ay mapupunta sa Impiyerno.”*  
Quran 82:13-14



Islamic Information Center

Sultan Qaboos Grand Mosque  
Muscat, Sultanate of Oman

[www.icoman.om](http://www.icoman.om)

For more information about Islam and other pamphlets in this series contact:

Whatsapp: +968 99250777 Email: [support@icoman.om](mailto:support@icoman.om)